

PODACI O PROJEKTU

Bosna i Hercegovina | J a n u a r 2017. godine

PODRŠKA OSOBAMA SA MENTALNOZDRAVSTVENIM SMETNJAMA



BOLJA KVALITETA USLUGA I PROGRAMI SMANJENJA STIGME U ZAJEDNICAMA

Fokus projekta je pružanje usluga zaštite mentalnog zdravlja na nivou zajednice, povećanje obima i kvaliteta ovih usluga, te akreditiranje centara za mentalno zdravlje u zajednici za pružanje standardizirane i kvalitetne njege. Profesionalci u mentalnom zdravlju će biti educirani i njihove vještine i znanja razvijeni, naročito u poljima okupacione i radne terapije, psihoterapije, preventivnog rada u zajednici, kriznih intervencija, te rada sa porodicama. Na ovaj način će osobe sa smetnjama u mentalnom zdravlju, te oni koji su u riziku da razviju te smetnje, imati pristup širem obimu kvalitetnih usluga. Kako bi se smanjila diskriminacija osoba sa mentalnozdravstvenim problemima i podiglo poštovanje njihovih ljudskih prava, projekat će blisko surađivati sa različitim udruženjima, provesti aktivnosti socijalne inkluzije, programe smanjenja stigme u zajednicama, te razviti programe koji će promovirati mentalno zdravlje.

Projekat mentalnog zdravlja u Bosni i Hercegovini (PMZ) podržava reformu sistema zaštite mentalnog zdravlja u BiH kako bi se poboljšala dobrobit osoba sa mentalnozdravstvenim smetnjama, te onih kod kojih postoji rizik od razvoja tih smetnji. Projekat je usmjeren na smanjenje diskriminacije osoba sa mentalnozdravstvenim smetnjama, poticanje njihove socijalne inkluzije, kao i povećanje dostupnosti i kvalitete potrebne njege.

U BiH osobe sa mentalnozdravstvenim smetnjama pripadaju ranjivoj grupi stanovništva, koja je u krajnje nepovoljnom položaju. Na dnevnoj bazi su izložene diskriminaciji i socijalnom isključivanju, a ujedno imaju ograničen pristup adekvatnoj zdravstvenoj njezi. Pružatelji usluga zaštite mentalnog zdravlja u zajednici često ne posjeduju specijalizirane vještine potrebne da provode psihoterapiju, radnu terapiju, ili za rad sa maloljetnim pacijentima i žrtvama porodičnog nasilja. Stoga, obim njege na raspolaganju osobama sa mentalnozdravstvenim smetnjama jest prilično ograničen. Nadalje, potrebno je ojačati preventivnu njegu, jer identificiranje ranih simptoma može spriječiti razvijanje mentalnozdravstvenih smetnji u ozbiljnija oboljenja.

Preko 500 profesionalaca u mentalnom zdravlju uključeno je u projekat, te djeluju u 72 Centra za mentalno zdravlje u zajednici diljem zemlje. Podrška je pružena i korisničkim udruženjima i grupama za samopomoć, koji djeluju u 31 općini. Projekat mentalnog zdravlja u BiH dodatno će osnažiti rukovodstvene kapacitete institucija za mentalno zdravlje, te podržati restrukturiranje njihovih usluga. Strateško upravljanje intervencijama projekta provodit će se u suradnji sa zdravstvenim autoritetima u BiH. Kroz angažman velikog broja aktera, PMZ će značajno doprinijeti poboljšanju kvalitete života osoba sa mentalnozdravstvenim smetnjama, njihovim porodicama, kao i onim pojedincima koji su pod rizikom da razviju smetnje u mentalnom zdravlju.



KONTINUIRANA POTPORA I ZAPAŽEN NAPREDAK U ZAŠTITI MENTALNOG ZDRAVLJA U BIH

Švicarska vlada od 2009. godine podržava reformu zaštite mentalnog zdravlja u BiH, gdje su značajni rezultati postignuti kroz različite intervencije.

Javne politike i regulacijski okvir za zaštitu mentalnog zdravlja u BiH usklađeni su sa standardima Evropske Unije, a uspostavljen je i sistem za praćenje mentalnog zdravlja stanovništva. U oba entiteta, izmijenjen je i usvojen zakonski okvir za zaštitu ljudskih prava osoba sa mentalnozdravstvenim smetnjama, što je omogućilo praćenje mogućih kršenja ljudskih prava u ustanovama za zaštitu mentalnog zdravlja.

U Centrima za mentalno zdravlje u zajednici, postotak medicinskih sestara koje samostalno rade sa pacijentima povećao se sa 29% na 88%. Kvaliteta usluga se također poboljšala, a stopa pacijenata koji se upućuju u bolnice smanjena je za 30%. Više od 1.000 pacijenata sa teškim psihičkim poremećajima uključeno je u koordiniranu brigu, novi pristup u pružanju usluga u Centrima za mentalno zdravlje u zajednici.

SAŽETAK PROJEKTA

NAZIV:
Projekat mentalnog zdravlja u BiH

DOMENA:
Zdravlje

TEMA:
Zdravlje

ZEMLJA / REGIJA:
Bosna i Hercegovina

PARTNERI:
Ministarstvo civilnih poslova Bosne i Hercegovine
Ministarstva zdravlja (entitetska i kantonalna) i Odjel za zdravstvo Brčko distrikta
Zavodi za javno zdravstvo (FBiH i RS)
Agencije za kvalitetu i akreditaciju u zdravstvu (FBiH i RS)
Profesionalna udruženja medicinskih sestara, psihijatara, psihologa, i socijalnih radnika
Udruženja korisnika usluga mentalnog zdravlja

IMPLEMENTIRAJUĆI PARTNER:
Asocijacija XY, BiH

POLAZNA TAČKA / POZADINA:
U BiH osobe sa mentalnozdravstvenim smetnjama pripadaju ranjivoj grupi stanovništva, koja je u krajnje nepovoljnom položaju, te na dnevnoj bazi izložena diskriminaciji i socijalnom isključivanju. Obim njege dostupan osobama sa mentalnozdravstvenim smetnjama poprilično je ograničen. Stoga je potrebna kontinuirana i ciljana edukacija za profesionalce u mentalnom zdravlju, pružanje usluga zaštite mentalnog zdravlja van zdravstvenih ustanova, odnosno u samoj zajednici, te programi socijalne inkluzije na nivou zajednica.

CILJ PROJEKTA:
Jačanje usluga mentalnog zdravlja u zajednici, te poboljšanje obima i kvalitete tih usluga; educiranje profesionalaca u mentalnom zdravlju iz specifičnih oblasti okupacione i radne terapije, psihoterapije, preventivnog rada, usluga pružanja pomoći, kriznih intervencija, te rada sa porodicama; implementacija aktivnosti socijalne inkluzije i programi smanjenja stigmatizacije u zajednici.

CILJNA GRUPA:
500 profesionalaca u mentalnom zdravlju iz 72 Centra za mentalno zdravlje u zajednici; udruženja i grupe za samopomoć korisnika usluga zaštite mentalnog zdravlja u 31 općini; autoriteti i institucije zadužene za mentalno zdravlje; osobe sa mentalnozdravstvenim smetnjama, njihove porodice, kao i osobe koje su u riziku da razviju mentalnozdravstvene smetnje.

TROŠKOVI:
CHF 9'218'000

TRAJANJE:
05.06.2009. – 28.02.2018. (kraj tekuće faze)

DODATNE INFORMACIJE I KONTAKT PODACI

Swiss Agency for Development and Cooperation (SDC)
Cooperation with Eastern Europe,
Western Balkans Division
Freiburgstrasse 130, 3003 Bern
Tel. +41 (0)58 462 22 12
E-Mail: deza-oza@eda.admin.ch
www.sdc.admin.ch

Ambasada Švicarske u Bosni i Hercegovini
Zmaja od Bosne 11, Zgrada RBBH, objekat B
BiH-71000 Sarajevo
Tel. +387 33 27 58 50, +387 33 25 40 30
Fax +387 33 57 01 20
E-Mail: sar.vertretung@eda.admin.ch
www.eda.admin.ch/bosnia-and-herzegovina